

“დინამო” (თბილისი) – “ტორპედო” (ქუთისი) 3:1 (0:0)

“დინამო”: გაბელია, გ. მაჩაიძე (ქორიძე), ჩივაძე, სულაქველიძე, ჭილაია (მელიქია), დარასელია, მ. მაჩაიძე, კოპალეიშვილი, მინაშვილი, ყიფიანი, ჩელებაძე (შენგელია).

“ტორპედო”: მჭედლიძე, შუგავეი, გოგოლაძე, შელია, ზ. სვანაძე, ოქროპირაშვილი, ბურკაძე, გორგოძე (თ. სვანაძე), ფესტვენძე (მხატვარი), ებანოიძე, კვერნაძე.

მსაჯი: ა. ლუსკარეცი (მოსკოვი).

გოლები: მინაშვილი (56-ე წ.), ჩელებაძე (58, 64), მხატვარი (84).

პირველი ტაიმი დაახლოებით თანაბარი ბრძოლით აღინიშნა. მეორე ტაიმში “დინამომ” უფრო სწრაფად დაიწყო თამაში და მისი უპირატესობაც ხელშესახები გახდა. 56-ე წუთზე თბილისელებმა ლამაზი კომბინაცია გაითამაშეს ქუთაისელთა საჯარიმოში, მინაშვილის დამაგვირგვინებელი დარტყმაც ეფექტური და ზუსტი იყო – 1:0. ამის შემდეგ “ტორპედოს” კართან იმატა სახიფათო მომენტებმა. პირველი გოლის შემდეგ სულ ორი წუთი იყო გასული, რომ ყიფიანის მიერ კარისკენ დარტყმულ ბურთს ჩელებაძემ ოდნავ შეუცვალა მიმართულება – 2:0. კიდევ 6 წუთის შემდეგ იმავე ჩელებაძემ მესამედ აიღო კარი.

თამაშის ტემპმა იკლო. მატჩის დასრულებამდე 3 წუთით ადრე “ტორპედომ” მოახერხა მშრალი ანგარიშისგან თავის დაღწევა – ქუთაისელთა კომბინაცია ზუსტად დაამთავრა მხატვარმა – 3:1.

ბ. ირემაძე.

“ლელო”, 5 მარტი, 1980 წ.